

Igls meis da matg e zarcladour 2020 ò la suprastanza communal tracto tranter oter igls affars suandonts:

- decida dad installar igl 2020 ulteriours molocs a Beiva (La Palüetta) ed a Savognin (plazza da posta);
- sancziuno las directivas pertutgont l'utilisaziun d'ava da hidrants per adiever privat;
- decida da prolungar igl contract da fit cun l'Uniun da promoziun La Scuntrada per l'ustareia a Tinizong anfignen igls 30 da zarcladour 2026;
- delibero igl credit da fr. 190'000.00 per la compra d'en transporter dalla marca Lindner.
- surpiglia la posiziun dalla Regiun Alvra pert. la consultaziun tar la revisiun parziala dalla lescha introductiva tar igl codesch civil svizzer digl cantun Grischun (LItCCS);
- fatg igl re-audit per survagneir igl label da regiun d'energeia Ela per la perioda 2020-2024 ed approvo igl model directiv d'energeia e las fegnameiras dalla politica d'energeia 2020-2024;
- tscharnia Adrian Ballat scu represchentant per la suprastanza ainten la gruppa da lavour digl martgea d'energeia;
- approvo igl urden da tariffas tar la lescha davart igl provediamint d'ava, valevel a parteir digl 01-01-2020;
- approvo igl urden da tariffas tar la lescha davart la dismessa d'ava persa, valevel a parteir digl 01-01-2020;
- concedia ena contribuziun da fr. 2'500.00 per surluvrar e cumpletar igl guid da viandar e cultura concernent la Veia da Sêt cun las dus novas etappas Coira - Lai e Lai - Casti;
- delibero igl credit da fr. 147'980.00 per cumprar en vehichel da pumpiers per l'amprem'intervenziun Bivio;
- concedia en credit da fr. 36'618.00 per cumprar igl material da salvamaint pigls pumpiers Surses;
- decida da lubeir chesta stad da campar cun tendas sen la parcella da cumegn dasperas igl «Geissenhof» a Rona. Las famiglias Poltera e Caratsch surpeglian la gestiun.
- decida da betg manar tras a Savognin chest onn la festa naziunala uffiziala aint igl rom usito perveia dallas restricziuns da corona (covid-19);
- piglia cunaschientscha tgi igl UVIAS ò nego la dumonda dall'introduziun da tempo 30 sen igl Stradung tar la strètga digl hotel Pianta a Savognin e dumando agl UVIAS da reponderar chella decisiun;
- decida da sustigneir la proposta dalla Regiun Alvra pertutgont l'adattaziun digl sistem d'eliger igls commembers digl grond;
- approvo igls contracts cun igl Uffezi da construcziun bassa digl Grischun per la compra da taragn sper la veia da Gelgia.

Surdadas da lavours:

- delibero igl credit da fr. 80'000.00 per cuntschier donns digl asphalt da diversas veias communalas e surdo la lavour alla Mettler Prader SA;
- concedia en credit supplementar da fr. 14'400.00 per catramar igls plazz anturn igls molocs existents a Beiva ed a Cunter e surdo la lavour alla Mettler Prader SA;
- delibero igl credit da fr. 94'154.00 per catramar la veia nova tar la zona d'industreia Punt a Cunter e surdo la lavour alla Mettler Prader SA;
- delibero igl credit da fr. 52'000.00 per sanar igl toc Veia da Cresta da Lai a Rodas e surdo la lavour alla Mettler Prader SA;
- delibero igl credit da fr. 45'871.00 per catramar en toc taragn da radond 360 m² anturn igl nov bietg digl center da cursa lunga a Rona e surdo la lavour all'interpresa Mettler Prader SA.